

**Meeqqat atuarfiani digitalimut piorsaanerup taamatullu digitalimik atuinerup immikkutilinniartitsissutigineqartalernissaat anguniarlugu inatsisissamut siunnersuummik saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Suliamuttassunga atatillugu Naalakkersuisut attavigissavaat Institut for Læring aamma kommunit siunertaralugu UV-mut atortunik naapertuuttunik ineriartortitsinissaq aamma ilinniartitsisutut ilinniagaqareersutilinniaqqissinnaanissaat.**

(Inatsisartunut ilaasortaq Randi Vestergaard Evaldsen, Demokraatit)

### **Akissuteqaat**

(Ilinniartitaanermtut, Kultureqarnermtut, Ilageeqarnermtut Nunanullu Allanut Naalakkersuisoq)

### **Siullermeerneqarnera**

Naalakkersuisut Inatsisartunut ilaasortap Randi Vestergaard Evaldsenip, Demokraatit, aalajangiiffigisassatut siunnersuutaa tigusartik qjassutigaa.

Naalakkersuisut siunnersuuteqartoq isumaqatigilluinnarpaat meeqqat inuusuttullu digitalimik nalinginnaasumik ilisimasaqalernissaasa atuilluarsinnaalernissaasalu aallunneqarnissaat pingaaruteqarnerarmagu, taamaalillutik teknologi pissusissaatut, isumatuumik ajornartorsiutinillu aaqqiissutissatut atussallugu ilinniarniassammassuk taamaalillutillu toqqissillutik, nalorninatik isornartorsiuisinnaassuseqarlutillu qarasaasiarsornissaq ilikkarniassammassuk.

Digitalimik atuilluarsinnaalernissaq oqallisigissagaanni allat ilanngullugit eqqarsaatigineqartariaqarput. Pingaarnertut paasinnittaaseq digitalimut piginnaasaqarnermik taaneqartarpoq, oqariartaatsimi tassaniillutik suliassaqarfiit marluk, digital atorlugu suleriaatsit aamma digitalimik atuilluarsinnaanermik ilisimasaqarneq. Digital atorlugu suleriaatsit imatut paasineqassapput qarasaasialerinermit teknologit qanoq atorneqartarnersut. Digitalimik nalinginnaasumik ilisimasaqarneq imatut paasineqassaaq allanut atatillugu naleqarnerulersitsinermit digital atorlugu suleriaatsit atornissaat qanoq paasineqartarnersoq aamma isornartorsiuisinnaassuseqarluni, isumannaatsumik pissusissamisoortumillu digital atorlugu qanoq qarasaasiarsortoqartarnersoq.

Naak meeqqat inuusuttullu amerlaqisut internetimik sungiussisimallutik atuisutut isigineqarsinnaagaluartut ilaasa naammattoortarpaat assersuutigalugu attaveqaatitigut qinnagaraarisoqartarnera innarliisoqartarneraluunniit. Pissutsit taamaattut assigisaalluunniit meeqqat atuarfiini digitalimik atuilluarnissamik ilisimasaqalernissap ilinniagassatut nutaatut eqqunneqarnerinnaatigut pinngitsoortinneqarsinnaanngillat.

Meeqqat atuarfiat pillugu Inatsisartut inatsisaat malillugu IT atuartitsissutini atuartitsissutissanilu qanitariissuni tamani ilinniartitsinerup ilaatut atortussatullu ilaatinneqassaaq. Maannakkuugallartoq IT-p aamma digitalimik atuilluarnissap

ilanngunneqarnissaat meeqqat atuarfiat pillugu inatsimmi, meeqqat atuarfiini ilikkagassatut anguniagassani imaluunniit ilikkagassatut pilersaarutini erseqqinnerusumik allaaserineqarsimangillat.

Meeqqat atuarfiini ilikkagassatut anguniagassat aamma ilikkagassatut pilersaarutit atuuttut naak IT aamma digitalimik atuilluarsinnaanissap ilanngunneqarnissaat pillugu atuartsissutini tamakkiisuunngikkaluartut tamakkuninnga suliassarpaaluit Namminersorlutik Oqartussani, Iisimatusarfimmi ilinniarnermut Institutimi kommuninilu aallartinneqareersimapput.

Nalilersuilluni misissuinnermut ineriartortitsiniarlunilu sulinermut “Ilinniartitaanermut ataqaatigiissumut eqaatsumullu” atatillugu immaqqa meeqqat atuarfiini ilikkagassatut anguniagassat aamma ilikkagassatut pilersaarutit iluarsaateqqinneqarnissaat naalakkersuinikkut akuersissutigineqariapat, meeqqat atuarfiini atuartsissutinut atuartsissutinullu qanitariissuni anguniagassani IT-p aamma digitalimik atuilluarsinnaanissap ilanngunneqarsinnaanerat imaluunniit atuartsissutitut immikkuullarissutut inissinneqarnissaa misissussallugu pissusissamisuuginnassaaq.

Pissutaasut tamakku taaneqartut tunngavigalugit Naalakkersuisut siunnersuummut imaattumik allannguutissatut siunnersuuteqarumapput:

”Nalilersuilluni misissuinnermut inerisaanermillu suliaqarnermut ”Ilinniartitaanermut ataqaatigiissumut eqaatsumullu” atatillugu meeqqat atuarfianni IT-mik, digitalimik atuilluarsinnaanermik aamma digitalimik atuinerup atuartsinermut ilaatinneqarnisssaanik kiisalu atuartsissummik immikkoortumik pilersitsisoqarnissaata pissusissamisoortuuneranik misissueqqissaarnermut ilanngunneqarnissaa pillugu Inatsisartut aalajangiiffissaattut siunnersuut.”